

Arhus centar u Sarajevu posjetili ambasador Švedske u BiH, Boss Hedberg i šef Misije OSCE-a, Flecher Burton

EDINA ŠEČEROVIĆ (voditeljica): Arhus centar u Sarajevu, prvi u našem gradu, koji za cilj ima zaštitu okoline i životne sredine, posjetili su ambasador Švedske u Bosni i Hercegovini, Boss Hedberg i šef Misije OSCE-a, Flecher Burton. Cilj posjete je upoznavanje sa aktivnostima i budućim planovima centra.

MELISA HODŽIĆ (reporterka): Arhuska konvencija nastoji pružiti svakom pojedincu pravo na pristup okolišnim informacijama, te pravo učestvovanja u odlučivanju, ukoliko se radi o nekim projektima u vezi sa zaštitom životne sredine.

SABINA JUKAN (koordinatorka Arhus centra): Znači svaki pojedinac ima pravo da učestvuje u odlučivanju šta će se u njegovom dvorištu graditi i ukoliko su mu ova dva prava uskraćena, ima pravo pristupa pravosuđu.

MELISA HODŽIĆ: Ambasador Švedske u Bosni i Hercegovini i šef Misije OSCE-a naglasili su da je najvažnije uspostaviti odnos sa Evropskom unijom u narednih nekoliko mjeseci, te pronaći nove partnere za što bolji razvoj i promociju ovog centra širom regiona.

BOSS HEDBERG (ambasador Švedske): Svrha moje posjete je da se skrene pažnja na postojanje ovog ureda ovdje, a koliko znam biće otvorena još dva ovakva centra u Bosni i Hercegovini.

FLECHER BURTON (šef Misije OSCE-a u Bosni i Hercegovini): Tri stvari koje obuhvata ova posjeta jeste podrška širenju kapaciteta ovog centra, kako bi mogli postati partner Vladi u obavljanju svih onih aktivnosti u razvoju centara na ovom polju.

MELISA HODŽIĆ: Iz centra ističu da je prioritet umrežavanja na nacionalnom nivou sa budućim Arhus centrima, čije je otvaranje planirano u Tuzli i Banjoj Luci, te na regionalnom nivou.